

**საჯარო სამართლის იურიდიული პირი –
ბათუმის შოთა რუსთაველის სახელმწიფო უნივერსიტეტი
ბრძანება N 01-10/43**

ქ. ბათუმი

22 მარტი, 2023 წ.

**ბსუ-ს სასწავლო სოციალური პროგრამის „სტუდენტთა შეღავათები სწავლის საფასურში“
2022-2023 სასწავლო წლის გაზაფხულის სემესტრში განხორციელების მიზნით კონკურსის
გამოცხადების შესახებ**

„უმაღლესი განათლების შესახებ“ საქართველოს კანონის 23-ე და 24-ე მუხლის, ბსუ-ს წესდების მე-15 მუხლის, „ბსუ-ში სასწავლო სოციალური პროგრამის სტუდენტთა შეღავათები სწავლის საფასურში განხორციელების წესის დამტკიცების თაობაზე“ ბსუ-ს წარმომადგენლობითი საბჭოს 2022 წლის 20 აპრილის №07-01/23 გადაწყვეტილების, ბსუ-ს სტუდენტთა კარიერული განვითარების, კულტურისა და სპორტის დეპარტამენტის, სტუდენტთა კარიერული განვითარებისა და მხარდაჭერის განყოფილების უფროსის 2023 წლის 20 მარტის №312989 სამსახურებრივი ბარათისა და რექტორის თანხმობის (ვიზირების) საფუძველზე

ვ ბ რ ძ ა ნ ე ბ:

1. გამოცხადდეს კონკურსი ბსუ-ს სასწავლო სოციალური პროგრამის „სტუდენტთა შეღავათები სწავლის საფასურში“ (შემდეგში - პროგრამა) 2022-2023 სასწავლო წლის გაზაფხულის სემესტრში განხორციელების მიზნით.
2. პროგრამის ფარგლებში შეღავათის საერთო მოცულობა განისაზღვროს 20 000 ლარით, მათ შორის პირველი კატეგორიის შეღავათის (სემესტრული სწავლის საფასურის 100%) მინიჭებისათვის - 5625 ლარი, მეორე კატეგორიის შეღავათის (სემესტრული სწავლის საფასურის 70%) მინიჭებისათვის - 7 875 ლარი, მესამე კატეგორიის შეღავათის (სემესტრული სწავლის საფასურის 35%) მინიჭებისათვის - 6 500 ლარი.
3. კონკურსის ჩატარების ვადები განისაზღვროს შემდეგნაირად:
 - ა) ბსუ-ს სტუდენტთა განცხადებებისა და დოკუმენტაციის წარმოდგენა - 2023 წლის 27 მარტიდან 07 აპრილის ჩათვლით;
 - ბ) წარმოდგენილი განცხადებებისა და დოკუმენტაციის საკონკურსო კომისიის მიერ განხილვა - 2023 წლის 10-20 აპრილი;
 - გ) კონკურსის შედეგების გამოქვეყნება კომისიის სამუშაო ადგილზე (ბსუ-ს II კორპუსში (ბათუმი, რუსთაველის ქ. N32) სტუდენტთა კარიერული განვითარების, კულტურისა და სპორტის დეპარტამენტის სამუშაო ოთახთან) და ბსუ-ს ვებგვერდზე - არაუგვიანეს 2023 წლის 24 აპრილი;
 - დ) შეღავათის მინიჭების შესახებ ადმინისტრაციის ხელმძღვანელის ბრძანების გამოცემა - არაუგვიანეს 2023 წლის 26 აპრილი.
4. პროგრამაში მონაწილეობის მისაღებად სტუდენტებმა დადგენილ ვადებში ელექტრონულად, ბსუ-ს პორტალზე - Portal.bsu.edu.ge-ზე (ველის - „წერილი კანცელარიას“ მეშვეობით) უნდა წარადგინონ:

- ა) განცხადება (შევსებული წინამდებარე ბრძანებაზე თანდართული ფორმით - დანართი 1);
- ბ) საქართველოს მოქალაქის პირადობის მოწმობის (პასპორტის) და დაბადების მოწმობის ასლი (დედანი წარედგინება საკონკურსო კომისიის მოთხოვნის შემთხვევაში);
- გ) ფაკულტეტის მიერ გაცემული ცნობა სტუდენტის აკადემიური მოსწრების შესახებ (ცნობა გაიცემა მხოლოდ სტუდენტის აქტიურ სტატუსში მყოფ პირებზე);
- დ) სოციალური კატეგორიის დამადასტურებელი დოკუმენტაცია (რაც გათვალისწინებულია „ბსუ-ში სასწავლო სოციალური პროგრამის სტუდენტთა შეღავათები სწავლის საფასურში განხორციელების წესის დამტკიცების თაობაზე“ ბსუ-ს წარმომადგენლობითი საბჭოს 2022 წლის 20 აპრილის №07-01/23 გადაწყვეტილებით დამტკიცებული წესის/პროგრამის მე-3 მუხლით), გაცემული საკონკურსო დოკუმენტაციის წარმოდგენის ვადის ამოწურვამდე 1 თვის ვადაში.
5. კონკურსში მონაწილეობა შეუძლია ერთიანი ეროვნული გამოცდების საფუძველზე ჩარიცხულ, საქართველოს მოქალაქეობის მქონე ბსუ-ს საბაკალავრო, მედიცინის მიმართულებით ერთსაფეხურიანი, დაწყებითი განათლების მასწავლებლის მომზადების ინტეგრირებულ საბაკალავრო - სამაგისტრო საგანმანათლებლო პროგრამის აქტიური სტატუსის მქონე სტუდენტებს, სწავლების მე-2 სემესტრიდან.
6. კონკურსში მონაწილეობის მიღება არ შეუძლია:
- ა) დამატებითი სემესტრის (სწავლის ვადაგაგრძელებულ) სტუდენტებს;
- ბ) სტუდენტს, რომელსაც წინა სემესტრის მონაცემებით არ აქვს ათვისებული სულ მცირე 25 კრედიტი;
- გ) სტუდენტს, რომელმაც წინა სემესტრის მონაცემებით შეასრულა შესაბამისი საგანმანათლებლო პროგრამის მოთხოვნები და მიენიჭა (ან უნდა მიენიჭოს) აკადემიური ხარისხი;
7. წინამდებარე ბრძანებით გამოცხადებული კონკურსის ჩატარებისათვის შეიქმნას საკონკურსო კომისია წინამდებარე ბრძანების N2 დანართის შესაბამისად.
8. კომისიამ იხელმძღვანელოს წინამდებარე ბრძანებითა და „ბსუ-ში სასწავლო სოციალური პროგრამის სტუდენტთა შეღავათები სწავლის საფასურში განხორციელების წესის დამტკიცების თაობაზე“ ბსუ-ს წარმომადგენლობითი საბჭოს 2022 წლის 20 აპრილის №07-01/23 გადაწყვეტილებით.
9. სტუდენტთა კარიერული განვითარების, კულტურისა და სპორტის დეპარტამენტმა უზრუნველყოს ბსუ-ს წარმომადგენლობითი საბჭოს 2022 წლის 20 აპრილის №07-01/23 გადაწყვეტილებისა და წინამდებარე ბრძანებით მოთხოვნათა კომპეტენციის ფარგლებში აღსრულება (კონკურსის გამოცხადების შესახებ განცხადების ტექსტის მომზადება და ბსუ-ს ვებგვერდზე და პორტალზე განთავსებისათვის წარდგენა, საკონკურსო კომისიის მუშაობის მხარდაჭერა, სტუდენტთა კონსულტირება და სხვა).
10. ბრძანება საჯარო გამოცხადების მიზნით განთავსდეს უნივერსიტეტის ვებგვერდზე, (ველში „სწავლა“ და „კონკურსები“) და უნივერსიტეტის ადმინისტრაციულ შენობაში თვალსაჩინო ადგილას, ასევე გასაცნობად და სახელმძღვანელოდ დაეგზავნოს ბსუ-ს ფაკულტეტებს, საფინანსო-ეკონომიკურ დეპარტამენტს, სტუდენტთა კარიერული განვითარების, კულტურისა და სპორტის დეპარტამენტს, სასწავლო პროცესის დეპარტამენტს, საინფორმაციო ტექნოლოგიურ სამსახურს, იურიდიულ დეპარტამენტს და კომისიის წევრებს.

11. ბრძანება ძალაშია ხელმოწერისთანავე.
12. ბრძანება შეიძლება გასაჩივრდეს კანონმდებლობითი დადგენილი წესით, მისი გამოცემიდან ერთი თვის ვადაში ბათუმის საქალაქო სასამართლოში (ქ. ბათუმი, ს. ზუბალაშვილის ქ. N30).

ადმინისტრაციის ხელმძღვანელი
ასოცირებული პროფესორი



მერაბ დიასამიძე

„ბსუ-ს სასწავლო სოციალური პროგრამის
„სტუდენტთა შეღავათები სწავლის საფასურში 2022-2023 სასწავლო წლის
გაზაფხულის სემესტრში განხორციელების მიზნით კონკურსის გამოცხადების შესახებ“
ადმინისტრაციის ხელმძღვანელის 2023 წლის 22 მარტი N01-10/43 ბრძანების
დანართი 1

ბსუ-ს ადმინისტრაციის ხელმძღვანელს

(ფაკულტეტი)

(საგანმანათლებლო პროგრამა და სწავლების წელი)

(სტუდენტის სახელი, გვარი, პირადი ნომერი)

გ ა ნ ც ხ ა დ ე ბ ა

მსურს მონაწილეობა მივიღო ბსუ-ს ადმინისტრაციის ხელმძღვანელის ბრძანებით 2023 წლის მარტში გამოცხადებულ კონკურსში 2022-2023 სასწავლო წლის გაზაფხულის სემესტრში სწავლის საფასურში შეღავათის მიღებისათვის.

ბსუ-ს წარმომადგენლობითი საბჭოს 2022 წლის 20 აპრილის №07-01/23 გადაწყვეტილებით დამტკიცებული „ბსუ-ში სასწავლო სოციალური პროგრამის სტუდენტთა შეღავათები სწავლის საფასურში განხორციელების წესის“ (შემდეგში - წესი) თანახმად შესაძლებელია მომენიჭოს შეღავათი სწავლის საფასურში იმ ფაქტობრივი გარემოების (სოციალური კატეგორიის) გათვალისწინებით, რომ ვარ:

(შენიშვნა: მონიშნეთ შესაბამისი პუნქტი/პუნქტები)

- ა) სტუდენტი, რომელიც არის საქართველოს ტერიტორიული მთლიანობის, თავისუფლებისა და დამოუკიდებლობისათვის საბრძოლო მოქმედების და სხვა სახელმწიფოთა ტერიტორიაზე საბრძოლო მოქმედების ვეტერანი ან მათი შვილი ან/და არის საქართველოს ტერიტორიული მთლიანობისათვის, თავისუფლებისა და დამოუკიდებლობისათვის დაღუპულთა, უგზო-უკვლოდ დაკარგულთა და მიღებული ჭრილობების შედეგად გარდაცვლილის შვილი;
- ბ) სტუდენტი, რომელიც არის მარტოხელა მშობელი ან თავად არის ან იყო მარტოხელა მშობლის შვილი (შენიშვნა: ხაზი გაუსვით შესაბამის ფაქტობრივ გარემოებას);
- გ) სტუდენტი, რომელიც რეგისტრირებულია სოციალურად დაუცველი ოჯახების მონაცემთა ერთიან ბაზაში და მისი ოჯახის სარეიტინგო ქულა ტოლია ან ნაკლებია 100 000-ზე; (შენიშვნა: მიუთითეთ შესაბამისი ქულა)
- დ) სტუდენტი, რომელიც იმყოფება ან ბოლო 3 წლის განმავლობაში იმყოფებოდა სახელმწიფო ზრუნვის ქვეშ (საადმინისტრაციო საქმიანობის განმახორციელებელთან, მიუხედავად მათი ორგანიზაციულ-სამართლებრივი ფორმისა და დაფინანსების

წყაროსი)/მინდობით აღზრდაში. (შენიშვნა: ხაზი გაუსვით შესაბამის ფაქტობრივ გარემოებას);

- ე) სტუდენტი, რომელიც არიან მრავალშვილიანი ოჯახის (ოთხი და მეტი შვილით) წევრი; (შენიშვნა: მიუთითეთ შვილების რაოდენობა)
- ვ) სტუდენტი, რომელსაც მინიჭებული აქვს იძულებით გადაადგილებული პირის - დევნილის სტატუსი;
- ზ) სტუდენტი, რომელსაც მინიჭებული აქვს ეკომიგრანტის (სტიქიით დაზარალებული) სტატუსი;
- თ) სტუდენტი, რომლის და/მმა/მეუღლე ასევე არის ბსუ-ს სტუდენტი. (შენიშვნა: ხაზი გაუსვით შესაბამის ფაქტობრივ გარემოებას);

განცხადებას თან ერთვის:

1. საქართველოს მოქალაქის პირადობის მოწმობის (პასპორტის) და დაბადების მოწმობის ასლი (დედანს წარვუდგენ საკონკურსო კომისიას, მოთხოვნის შემთხვევაში);
2. ფაკულტეტის მიერ გაცემული ცნობა სტუდენტის აკადემიური მოსწრების შესახებ;
3. ჩემ მიერ წინამდებარე განცხადებაში მითითებული (მონიშნული) ფაქტობრივი გარემოების (სოციალური კატეგორიის) დამადასტურებელი დოკუმენტაცია (რაც გათვალისწინებულია „ბსუ-ში სასწავლო სოციალური პროგრამის სტუდენტთა შეღავათები სწავლის საფასურში განხორციელების წესის დამტკიცების თაობაზე“ ბსუ-ს წარმომადგენლობითი საბჭოს 2022 წლის 20 აპრილის №07-01/23 გადაწყვეტილებით დამტკიცებული წესის/პროგრამის მე-3 მუხლით), კერძოდ:

3.1.-----

3.2.-----

თანხმობას ვაცხადებ დამუშავდეს ჩემი პერსონალური მონაცემები ბსუ-ს ადმინისტრაციის ხელმძღვანელის ბრძანებით 2023 წლის მარტში გამოცხადებული კონკურსისა და ბსუ-ს წარმომადგენლობითი საბჭოს 2022 წლის 20 აპრილის №07-01/23 გადაწყვეტილებით დამტკიცებული წესის მოთხოვნათა აღსრულების მიზნით.

დანართი: — ფურცელი.

განმცხადებლის საკონტაქტო ინფორმაცია:

სარეგისტრაციო/საცხოვრებელი მისამართი

(ქალაქი, სოფელი, ქუჩა/დასახლება/N) _____

მობილური: _____

ელექტრონული ფოსტა _____

(ხელმოწერა)

(თარიღი)

„ბსუ-ს სასწავლო სოციალური პროგრამის
„სტუდენტთა შეღავათები სწავლის საფასურში 2022-2023 სასწავლო წლის
გაზაფხულის სემესტრში განხორციელების მიზნით კონკურსის გამოცხადების შესახებ“
ადმინისტრაციის ხელმძღვანელის 2023 წლის 22 მარტი N 01-10/43 ბრძანების

დანართი 2

საკონკურსო კომისიის შემადგენლობა:

- ა) ლევან ტარიელაძე – სტუდენტთა კარიერული განვითარების კულტურისა და სპორტის დეპარტამენტის ხელმძღვანელი (კომისიის თავმჯდომარე);
- ბ) ლაშა მიქელაძე - სტუდენტთა კარიერული განვითარებისა და მხარდაჭერის განყოფილების უფროსი (კომისიის მდივანი);
- გ) გოჩა სურგულაძე - სტუდენტთა კარიერული განვითარების, კულტურისა და სპორტის დეპარტამენტის უფროსის მოადგილე (კომისიის წევრი);
- დ) ამირან შარაძე - სასწავლო პროცესის დეპარტამენტის უფროსი (კომისიის წევრი);
- ე) გიორგი დიასამიძე – იურიდიული დეპარტამენტის მთავარი სპეციალისტი (კომისიის წევრი);
- ვ) ირმა დიასამიძე – საფინანსო-ეკონომიური დეპარტამენტის აღრიცხვა - ანგარიშგების სამსახურის სწავლის საფასურის ადმინისტრირების მენეჯერი - (კომისიის წევრი);
- ზ) ლიკა დიასამიძე - სტუდენტური თვითმმართველობის თავმჯდომარე (კომისიის წევრი).